



---

---

# **KERATAN AKHBAR DAN MEDIA ONLINE UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

---

**1 JUN 2022 (RABU)**



---

---

# **KERATAN AKHBAR DAN MEDIA ONLINE (KPDNHEP)**

---

---

**1 JUN 2022 (RABU)**

# Empat faktor kenaikan harga sayur

Pengaruh cuaca,  
tenaga buruh  
antara punca  
gangguan bekalan

Oleh Suzalina Halid  
suzalina@bh.com.my

**Kuala Lumpur:** Kenaikan harga sayur-sayuran di negara ini berlaku disebabkan empat faktor utama iaitu perubahan cuaca, kekurangan tenaga buruh, kenaikan harga baja dan racun, selain pengaruh harga global.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata sebarang gangguan yang berlaku ke atas empat faktor ini akan menentukan status harga sayur-sayuran di pasaran, lantas menyebabkan berlakunya peningkatan.

📌 Kenaikan harga baja dan racun yang diimport menyebabkan kos operasi meningkat, sekali gus menyebabkan kenaikan harga sayuran di pasaran

Alexander Nanta Linggi, Menteri Perdagangan Dalam Negeri dan Hal Ehwal Pengguna



Mengambil contoh perubahan cuaca dan kekurangan tenaga buruh, beliau berkata dua faktor ini boleh mengganggu kerja di kebun sayur.

"Gangguan ini akan menye-

## Tinjauan harga sayur sebelum Aidilfitri/semalam

### JOHOR

Kacang panjang RM6/RM11  
Kubis bulat RM3.50 /RM5.50-RM7  
Bendi RM6.50/ RM11  
Terung RM6/RM11  
Cili merah RM12/RM 15

### SARAWAK

Kacang panjang RM4/RM6  
Kubis bulat RM3.90/RM5-RM6  
Bendi RM4/RM8  
Terung RM9/Kekal  
Cili merah RM23/kekal

### KEDAH

Kacang panjang RM7/RM10.50  
Kubis bulat RM7.50/RM8.40

Bendi RM8.40/RM9.10  
Terung RM6/RM10.20  
Cili merah RM18/RM19

### NEGERI SEMBILAN

Kacang panjang RM9.99/RM11.99  
Kubis bulat RM2.49/RM2.99  
Bendi RM8.99/RM13.99  
Terung RM6.99/RM9.89  
Cili merah RM12.99/RM14.99

### TERENGGANU

Kacang panjang RM17/RM6-RM7  
Kubis bulat RM4.50/RM4.50  
Bendi RM15-RM16/RM13  
Terung RM10/RM8  
Cili merah RM20/RM14

### KELANTAN

Kacang panjang RM7.50/RM10  
Kubis bulat RM4/RM5  
Kacang bendi RM10/RM12  
Terung panjang RM7.50/RM8  
Cili merah RM17/ RM16



babkan kurangnya hasil tanaman di kebun, sekali gus menyebabkan harga sayur naik.

"Begitu juga kenaikan harga baja dan racun yang diimport menyebabkan kos operasi meningkat, sekali gus menyebabkan kenaikan harga sayuran.

"Selain itu, kenaikan harga sayuran yang diimport juga dipegaruhi harga global," katanya ketika dihubungi, semalam.

Beliau berkata demikian mengulas laporan muka depan *BH* mengenai masalah yang membelenggu pengusaha ladang sayur

di seluruh negara sehingga menyebabkan harga beberapa jenis sayuran meningkat lebih tiga kali ganda.

Dalam pada itu, Alexander mengakui memahami status faktor yang menyumbang kenaikan harga dan pihaknya sentiasa memantau serta membuat pemeriksaan ke atas peniaga bagi memastikan tiada aktiviti pencatutan.

"Kita akan menggunakan akta sedia ada di bawah Kementerian Perdagangan Dalam Negeri dan Hal Ehwal Pengguna (KPD-

NHEP) untuk mengambil tindakan seperti Akta Kawalan Harga dan Anti Pencatutan 2011.

"Dalam konteks penguatkuasaan juga, penguat kuasa KPD-NHEP akan sentiasa berada di lapangan bagi melakukan pemeriksaan," katanya.

Selain penguatkuasaan, beliau berkata pihaknya juga sentiasa mengadakan perbincangan bersama Kementerian Pertanian dan Industri Makanan (MAFI) yang menjaga bekalan dan pengeluaran sayuran bagi mengatasi masalah ini.



PRICE HIKE

# 'CHECKS ON VEGGIE PRICES ONGOING'

Production and supply of vegetables will be safeguarded, says Nanta

SUZALINA HALID  
KUALA LUMPUR  
news@nst.com.my

**T**HE Domestic Trade and Consumer Affairs Ministry (KPDNHEP) has taken steps to address the rising prices of vegetables in the country, including enforcement actions and ongoing discussions with the Agriculture and Food Industries Ministry (Mafi).

Its minister, Datuk Seri Alexander Nanta Linggi, said this was to curb profiteering among vegetable sellers.

"The ministry's enforcement officers are always on the ground to carry out checks. We will continue to discuss with Mafi to safeguard the production and supplies of vegetables in the country," he said yesterday.

He was commenting on *Berita Harian*'s frontpage report on a shortage of workers faced by farm

owners that had affected vegetable output by 40 to 50 per cent, causing prices of some vegetables to rise by three-fold.

Nanta said the other factors driving the prices of vegetables were climate change, increase in prices of fertilisers and pesticides, as well as the global price hike.

"The ministry takes note of the rise in vegetable prices as reported by the media. Various factors are contributing to the price increase, including climate change and shortage of workers that are affecting the production at farms. The disruption will cause reduction in supplies and prices to increase."

He said the matter was compounded by the increased operational costs due to the rise in prices of pesticides and fertilisers.

The ministry would continue keeping tabs on vegetable prices in the market to ensure that there were no elements of profiteering, he said.

"We will exercise laws under KPDNHEP, including the Control of Supplies Act and the Price Control and Anti-Profiteering Act 2011."

Page 1 pic: Chickens sold at the Chow Kit market in Kuala Lumpur.



Datuk Seri Alexander Nanta Linggi



A trader selling vegetables at the Chabang Tiga market in Kuala Terengganu yesterday. PIC BY ZNO SALIM

## 'It's hard to sell greens now'

**KUALA TERENGGANU:** The prices of vegetables as well as raw goods here have seen a marked increase, with some exceeding more than 50 per cent of their average price.

Traders are now facing difficulty in selling their goods due to the rise in prices, as well as having to deal with complaints by shoppers, who are faced with not just soaring prices of vegetables but also chicken and fish.

Checks by the *New Straits Times* at the Chabang Tiga market here revealed that the price of cucumber had soared to RM6 per kg.

Norhazana Harun, 39, said the price of cucumber had been increasing daily since Hari Raya Aidilfitri.

She said that yesterday, the wholesale price of cucumber was set at RM45 per 10kg.

The trader from Kampung Paloh said that before Hari Raya, the wholesale price of cucumber was only between RM18 and RM20.

Norhazana, who has been operating at the market for the last

22 years, said apart from cucumber, the price of Thai bird's eye chilli (*cili api*) also increased to RM29 per kg.

It only cost between RM12 and RM13 before the Raya holidays, she said.

"The increasing prices have made it difficult for us to sell them."

"However, we are fortunate that most shoppers aren't complaining that much as they understand that we are facing a problem in terms of food prices."

"Chicken, for example, is still priced at around RM12 per kg."

She said the price of sawi (mustard greens) had also gone up to RM6 per kg.

Sawi *siam* was RM8 per kg compared with the pre-Raya price of between RM4 and RM6 per kg, she added.

However, she said there were no changes to the prices ladies' finger, longbeans, round cabbage and brinjal.

Their prices, she said, were stable for now and had even gone down slightly compared with be-

fore the Raya holidays.

"The fluctuating prices depend on the supply. If there is a supply glut, the prices will automatically go down."

"For example, the price of longbeans before Raya was high due to a shortage of supply. It has since gone down as supply exceeded demand," she said.

Checks also revealed that despite reports that the chicken supply was recovering, the price of standard chicken is still RM12 per kg.

Traders claimed they had no choice but to increase the price of chicken as the price set by the suppliers was between RM10.50 and RM10.90 per kg.

They also claimed that they were selling less chicken now as shoppers' spending power had been severely impacted.

Checks also revealed that the price of *ikan kembong* (mackerel) had increased to RM25 per kg.

However, checks found that only a handful of stalls were selling the fish as traders claimed that the items were in short supply.

## AEON tangani kenaikan harga barang

**KUALA LUMPUR** – Syarikat peruncitan dan rangkaian pasar raya terkemuka, AEON Co. (M) Bhd. (AEON) mengumumkan inisiatif 100 hari Jimat Poket bermula hari ini sehingga 16 September sebagai langkah mengurangkan peningkatan kos sara hidup.

Inisiatif dengan kerjasama rakan-rakan niaga AEON itu menampilkan dua pakej menarik yang terdiri daripada barangan keperluan harian untuk membantu meringankan beban pelanggannya.

Pakej berharga RM60 terdiri daripada 15 barangan komoditi manakala pakej RM100 mempunyai 18 barangan komoditi.

Pengarah Urusan/Ketua Pegawai Eksekutif AEON, Shafie Shamsuddin berkata, pihaknya bersyukur dapat memperkenalkan inisiatif Jimat Poket dalam usaha memastikan harga barangan asas tidak melambung secara drastik dan memberi sedikit ruang buat pelanggannya menyesuaikan diri dengan landskap pasaran semasa.

"Melalui kerjasama dengan rakan-rakan niaga, kami mahu pelanggan sedar bahawa AEON peka dengan kekusaran mereka selama ini.



**INISIATIF Jimat Poket anjuran AEON bermula hari ini sehingga 16 September bertujuan untuk membantu meringankan beban pengguna.**

"Kami sentiasa mendengar rungutan pelanggan dalam memastikan perkhidmatan terbaik dapat disampaikan," katanya.

Beliau berkata demikian pada Persidangan Pembekal dan Rakan Kongsi AEON1000 di sini semalam.

Hadir sama Timbalan Menteri Kementerian Perdagangan Dalam Negeri dan Hal Ehwal Pengguna, Datuk Rosol Wahid.

Persidangan yang dihadiri kira-kira 1,000 peserta itu terdiri daripada penggerak dan pemangkin

pelbagai industri.

Bertemakan 'Melahirkan Komuniti Mampan', persidangan itu bertujuan mencetuskan tindakan transformasi daripada pelbagai pemegang taruh untuk berjaya dalam tatacara dan pertumbuhan peruncitan baharu pasca pandemik.

Pada majlis sama, Rosol telah menyampaikan Anugerah Kecemerlangan AEON1000 dalam pelbagai kategori kepada 37 buah syarikat yang terdiri daripada rakan korporat, rakan niaga dan penyewa AEON.





# Minyak masak 5kg cecah RM43

Pengguna bingung kerana hampir semua masakan perlukan minyak

Oleh MUHAMMAD AMNAN HIBRAHIM SHAH ALAM

**H**arga minyak masak sawit botol di pasaran ketika ini semakin mahal sehingga membebankan pengguna.

Susulan keluhan pembaca *Sinar Harian*, tinjauan wartawan di pasar raya di sini pada Selasa mendapati harga minyak masak botol pelbagai jenama seberat 5 kilogram (kg) dijual antara RM28.60 hingga RM43.50.

Begitupun, rata-rata harga minyak masak botol seberat 3kg dijual pada harga runcit maksi-

mum ditetapkan kerajaan iaitu RM18.70 manakala bagi botol 2kg RM12.70 dan sekilogram (RM6.70).

Kerajaan pada Ogos tahun lalu turut menetapkan harga runcit maksimum bagi minyak masak sawit tulen yang dijual dalam botol 5kg iaitu RM29.70.

Seorang pekerja pembersihan dari Lembah Pantai, Kuala Lumpur, Nina ramawati Amri, 52, berkata, harga minyak masak ketika ini sangat tidak munasabah dan membebankan terutamanya untuk kumpulan bergaji kecil seperti dirinya.

Katanya, bahan tersebut yang sebelum pandemik boleh didapati pada harga sekitar belasan ringgit kini melonjak sehingga lebih RM43.

"Tapi mahu tak mahu, kita terpaksa beli juga sebab nak makan. Semua masakan harian kita



NINA



ABDUL RANI

perlukan minyak," ujarnya.

Peniaga makanan, Abdul Rani Mohd Radzi, 58, pula berkata, kenaikan harga minyak botol semakin dirasai sejak tiga bulan lepas.

Kenaikan itu ujarnya, tentunya memberi tekanan kerana sebagai peniaga, harga jualan tidak boleh dinaikkan sesuka hati agar pelanggan tidak terbeban.

"Tambahan pula, hasil jualan kita ketika ini pun masih belum pulih," katanya yang telah meniaga char kueitau di Lembah Pantai sejak enam tahun lalu.

Baru-baru ini tular laporan



Rata-rata harga minyak masak tulen botol seberat 3kg dijual pada harga runcit maksimum ditetapkan kerajaan.

harga minyak masak botol 5kg dua jenama terkenal meningkat kepada RM45 berbanding harga sebelum pandemik sekitar RM30 hingga RM35.

Bagaimanapun, Menteri Perdagangan Dalam Negeri dan

Hal Ehwal Pengguna, Datuk Seri Alexander Nanta Linggi berkata, minyak masak tersebut tidak dikawal mengikut Akta Kawalan Harga dan Antipencatutan (AKHAP) 2011 kerana ia kategori minyak masak campuran.



## KENDERAAN SINGAPURA ISI RON95

### KPDNHEP Johor buka 13 kertas siasatan

**Johor Bahru:** Kementerian Perdagangan Dalam Negeri dan Hal Ehwal Pengguna (KPDNHEP) Johor membuka 13 kertas siasatan berhubung aduan kenderaan bernombor pendaftaran Singapura yang mengisi petrol RON95 bersubsidi di negeri ini.

Pengarah KPDNHEP Johor Mohd Hairul Anuar Bohro berkata, aduan yang diterima bermula sejak sempadan negara dibuka pada 1 April lalu.

Katanya, ia membabitkan 13 stesen minyak di seluruh daerah ini termasuk dua yang tular di media sosial baru-baru ini.

"Kedua kes yang ba-

ru-baru ini tular di media sosial membabitkan dua stesen minyak termasuk satu di sekitar Skudai.

"Kita terima aduan dan sedang menjalankan siasatan mengikut Akta Kawalan Bekalan 1961. Setakat ini 13 kertas siasatan membabitkan 13 stesen minyak dibuka," katanya ketika dihubungi di sini, semalam.

Terdahulu, tular di media sosial dua gambar memaparkan kenderaan bernombor pendaftaran Singapura mengisi petrol RON95 di negeri ini.

Pemilik stesen minyak yang didapati gagal memantau penyalahgunaan petrol RON95 boleh disiasat

mengikut Peraturan-Peraturan Kawalan Bekalan (PPKB) 1974, Akta Kawalan Bekalan (AKB) 1961.

Ia membawa hukuman pada denda maksimum RM1,000,000 atau penjara tidak melebihi tiga tahun atau kedua-duanya, jika sabit kesalahan.

Sementara bagi kesalahan kedua dan berikutnya denda maksimum RM3,000,000 atau penjara tidak melebihi lima tahun atau kedua-duanya, manakala hukuman bagi syarikat, denda maksimum RM2,000,000 dan bagi kesalahan kedua serta berikutnya denda maksimum RM5,000,000.



# Sindiket seludup bahan api tumpas

**Empat suspek ditahan, operasi berselindung di sebalik perniagaan sejuk beku**

Oleh Aizat Sharif, Syaherah Mustafa dan Omar Ahmad  
bhnews@bh.com.my

**Kuala Lumpur:** Kementerian Perdagangan Dalam Negeri dan Hal Ehwal Pengguna (KPDNHEP) mematahkan cubaan menyeludup bahan api bernilai lebih RM20,000 di Perlis serta Kelantan, kelmarin.

Selain itu, KPDNHEP turut membuka 13 kertas siasatan berhubung kes kenderaan pendaftaran Singapura mengisi petrol RON95 di Johor.

Di **Kangar**, KPDNHEP Perlis membongkar penyelewengan bahan api bersubsidi bernilai RM19,056 ke Thailand oleh sindiket yang berselindung di sebalik perniagaan sejuk beku, selepas menahan empat individu termasuk seorang pemilik premis stesen minyak di Kangar dan Padang Besar, semalam.

Ketua Pegawai Penguat Kuasa KPDNHEP Perlis, Mohamad Amir Abdullah, berkata empat suspek warga tempatan berusia



Anggota KPDNHEP Perlis menunjukkan RON95 dan diesel bersubsidi yang dirampas selepas menyerbu sebuah stesen minyak di Kangar dan stor tidak bernombor di Padang Besar.  
(Foto Aizat Sharif/BH)

30-an hingga 50-an itu ditahan jam 12.40 tengah hari dalam dua serbuan di sebuah stesen minyak di Kangar dan stor tanpa nombor di Kampung Kolam, Padang Besar.

"Serbuan dilakukan 14 anggota berdasarkan hasil maklumat orang ramai dan risikan selama dua minggu. Dalam serbuan pertama di sebuah stesen minyak di Kangar, anggota berjaya menemu dua kereta jenis Proton Iswara dan Proton Waja yang sarat dengan bekas atau *jerry can* petrol 500 liter serta 420 liter jenis RON95 serta diesel.

"Ketika serbuan dilakukan, dua lelaki sedang mengisi minyak bersubsidi di dua pam be-

rasangan di stesen minyak itu.

"Hasil siasatan mendapati pemilik stesen minyak itu disyaki bersekongkol dengan dua lelaki dipercayai anggota sindiket penjualan petrol RON95 dan diesel bersubsidi itu.

"Transaksi pembayaran dibuat secara tunai di stesen minyak tersebut," katanya pada sidang media di Pejabat KPDNHEP Perlis, di sini, semalam.

Beliau berkata, serbuan kedua dilakukan di sebuah stor tanpa nombor perniagaan sejuk beku di Kampung Kolam, kira-kira jam 1 tengah hari.

Katanya, stor itu disyaki dijadikan tempat pengumpulan petrol RON95 dan diesel bersub-

sidi untuk kenderaan asing.

"Kita menjumpai beberapa tong dram disyaki berisi minyak bersubsidi jenis RON95 hasil pemeriksaan awal di lokasi itu.

"Kita juga mendapati pemilik premis tidak mempunyai kebenaran bertulis untuk memiliki dan menyimpan barang kawalan berjadual daripada Pengawal bekalan," katanya.

Beliau berkata, siasatan awal pihaknya mendapati kedua-dua kes berkenaan disyaki membabitkan sindiket sama, manakala pemilik stesen minyak terbabit dipercayai mengambil untung 45 sen setiap pengisian petrol dan diesel bersubsidi daripada sindiket itu.

Sementara itu di Pasir Mas, dua lelaki ditahan kerana disyaki cuba menyeludup 1,100 liter diesel bernilai RM2,365 menggunakan dua lori di stesen minyak berdekatan Jalan Chetok, kira-kira jam 9 pagi kelmarin.

Ketua Pegawai Penguat Kuasa KPDNHEP Kelantan, Aswadi Jafar, berkata anggotanya dengan kerjasama Batalion 8 Pasukan Gerakan Am (PGA8) menjalankan operasi bersepadu sebelum mengesan kehadiran lori itu di stesen minyak berkenaan.

Beliau berkata, kedua-dua pemandu terbabit sedang mengisi diesel di pam dalam keadaan mencurigakan sebelum anggota menghampiri mereka.

"Hasil pemeriksaan lanjut mendapati dianggarkan 500 liter diesel diisi dalam lori pertama, manakala 600 liter lagi di lori kedua disyaki untuk diseludup ke negara jiran.

"Semua diesel dan lori bernilai RM170,000 terbabit disita dan dirampas, manakala kedua-dua suspek ditahan," katanya dalam satu kenyataan, semalam.

Di **Johor Bahru**, 13 kertas siasatan dibuka berhubung kes kenderaan pendaftaran Singapura mengisi petrol RON95 bersubsidi di Johor sejak sempadan negara dibuka semula pada 1 April lalu.

Pengarah KPDNHEP Johor, Mohd Hairul Anuar Bohro, berkata siasatan itu membabitkan 13 stesen minyak di seluruh daerah Johor Bahru, termasuk dua yang tular melalui media sosial, baru-baru ini.

## Sindiket jual petrol, diesel bersubsidi tumpas

KANGAR - Sindiket penyelewengan petrol dan diesel bersubsidi di Perlis tumpas selepas penahanan empat warga tempatan dalam dua serbuan berasingan di sekitar Kampung Kolam, Padang Besar oleh Kementerian Perdagangan Dalam Negeri dan Hal Ehwal Pengguna (KPDNHEP) pada Isnin.

Ketua Pegawai Penguatkuasa KPDNHEP Perlis, Mohamad Amir Abdullah berkata, serbuan pertama dilakukan di stesen minyak berikutan risikan dilakukan sejak beberapa minggu lepas.

Beliau berkata, dalam serbuan di stesen minyak sekitar jam 12.45 tengah hari, pihaknya mendapati dua lelaki sedang leka mengisi minyak petrol RON95 dan diesel

ke dalam tong yang diletakkan dalam kereta jenis Proton Iswara dan Proton Waja.

"Hasil siasatan dijalankan mendapati terdapat transaksi pembayaran dilakukan oleh dua lelaki terbabit bagi pembelian kedua-dua bahan api bersubsidi berkenaan secara tunai kepada stesen minyak terlibat.

"Berikutan itu seorang wanita yang juga pemilik stesen minyak berkenaan dan dua lelaki terbabit telah ditahan," katanya pada sidang akhbar di sini pada Selasa.

Beliau berkata, berikutan itu, satu lagi serbuan dijalankan di sebuah stor dipercayai dijadikan tempat pengumpulan dan seorang wanita dipercayai pemilik premis turut ditahan untuk siasatan lanjut. - *Bernama*



MOHAMAD Amir (kiri) menunjukkan petrol RON95 dan diesel bersubsidi yang dirampas KPDNHEP Perlis selepas menyerbu sebuah stesen minyak di Kangar dan stor tidak bernombor di Padang Besar. - Gambar NSTP/AIZAT SHARIF

## TAKTIK SELEWENG BAHAN API

# Guna laluan kampung

Oleh Aizat Sharif  
am@hmetro.com.my

Kangar

Sindiket penyelewengan bahan api bersubsidi di sini, dikesan akan mengelak sekatan jalan raya (SJR) Pasukan Gerakan Am (PGA) di Sungai Chuchuh, Padang Besar dengan melalui laluan yang tidak diwartakan atau laluan kampung dan getah yang terdapat sekitar kawasan berkenaan bagi mengelakkan kegiatan mereka dihidu pihak berkuasa.

Mereka menjalankan aktiviti itu dengan modus operandinya akan mencari stesen minyak di sekitar daerah ini untuk membeli petrol bersubsidi RON95 dan diesel sebelum diisi ke dalam bekas minyak atau *jerry can* yang dibawa dengan kereta.

Pemandu kereta itu akan memenuhi petrol dan diesel berkenaan sebelum dimuatkan ke dalam setiap ruang dalam kenderaan dan akan melakukan perjalanan antara lima hingga ke enam kali sehari untuk mengumpulkan petrol dan diesel bersubsidi itu di stor yang terletak di Padang Besar, Perlis.

Ketua Pegawai Penguat Kuasa KPDNHEP Perlis Mohamad Amir Abdullah berkata, siasatan pihaknya mendapati pemilik stesen

minyak akan mengambil keuntungan sebanyak 45 sen bagi setiap pengisian petrol dan diesel bersubsidi daripada sindiket terbabit.

Menurutnya, pihaknya menganggarkan antara 16,000 hingga 17,000 liter sehari petrol dan diesel bersubsidi dapat dikumpulkan oleh sindiket itu di stor berkenaan yang kemudiannya dijual kepada kenderaan atau pikap Thailand yang ke stor terbabit untuk mengambil stok bahan sejuk beku seperti ikan atau daging.

Katanya, kegiatan itu terbongkar hasil maklumat orang ramai dan risikan pihaknya selama dua minggu selepas mengadakan dua serbuan dan menahan empat individu termasuk seorang pemilik stesen minyak, semalam.

"Penahanan empat warga tempatan berusia antara lewat 30-an hingga 50-an itu dilakukan jam 12.45 tengah hari dalam dua serbuan di sebuah stesen minyak di daerah ini dan stor tanpa nombor di Kampung Kolam, Padang Besar di Perlis.

"Serbuan pertama dilakukan di stesen minyak berjaya menemui dua kereta jenis Proton Iswara dan Proton Waja yang sarat dengan bekas atau *jerry can* petrol 500 liter dan 420 liter dari jenis RON95 dan diesel," katanya.





MOHAMAD AMIR menunjukkan tong dan bekas plastik berisi petrol dan diesel dalam serbuan di sebuah stesen minyak di Kangar dan stor di Padang Besar semalam.

Tiga sekeluarga jual minyak kepada kenderaan asing

## Jual balik petrol, diesel 45 sen lebih mahal

Oleh NORLIDA AKMAR IDROS

**KANGAR** – Taktik licik tiga sekeluarga yang disyaki mengumpul petrol dan diesel di sebuah stor di Kampung Kolam di Padang Besar dekat sini sebelum menjualnya dengan harga 45 sen lebih mahal tumpas kelmarin.

Suspek dipercayai berselindung di sebalik perniagaan produk sejuk beku telah menjual balik minyak bersubsidi itu kepada kenderaan asing.

Dua suspek iaitu seorang lelaki berusia lewat 50-an dan menantunya berusia lingkungan 30-an ditahan ketika mengisi minyak bersubsidi petrol RON95 dan diesel ke dalam bekas plastik

di sebuah stesen minyak di sini kira-kira pukul 12.45 tengah hari.

Seorang lagi suspek iaitu seorang wanita berusia lewat 40-an ditahan dalam serbuan di sebuah stor tidak bernombor di Kampung Kolam.

Ketua Pegawai Penguat Kuasa Kementerian Perdagangan Dalam Negeri dan Hal Ehwal Pengguna (KPDNHERP) Perlis, Mohamad Amir Abdullah berkata, berdasarkan aduan orang awam dan risikan yang dilakukan sejak dua minggu lalu, seramai 14 anggota penguat kuasa menyerbu sebuah stesen minyak di sini dan stor di Kampung Kolam.

Kata beliau, siasatan menda-

pati transaksi pembayaran bagi pembelian bahan api kepada stesen minyak tersebut adalah secara tunai.

"Sindiket juga dipercayai berulang alik dari stesen minyak ke stor menggunakan beberapa kenderaan dan dianggarkan boleh mengumpul sehingga 17,000 liter minyak bersubsidi sehari," ujarnya.

Susulan penahanan tersebut, Mohamad Amir berkata, pihaknya menyerbu sebuah stor yang dipercayai dijadikan tempat pengumpulan minyak bersubsidi itu sebelum dijual kepada kenderaan asing dari Thailand.

Kes distasat dibawah Seksyen 21 Akta Kawalan Bekalan 1961.

## Tiada kes bekalan ayam disorok di Selangor

**SHAH ALAM** — Tiada kes bekalan ayam disorok di Selangor selama dua hari bermula 21 Mei lalu seperti didakwa beberapa mesej yang tular di media sosial sebelum ini.

Ketua Pegawai Penguat Kuasa Kementerian, Perdagangan Dalam Negeri Dan Hal Ehwal Pengguna (KPDNHEP) Selangor, Mohd. Khairi Jamaludin berkata, pihaknya telah memeriksa beberapa peniaga ayam di semua daerah pada 20 Mei lalu sebaik menerima mesej tular tersebut.

"Kami dapati, bekalan ayam pada tarikh tersebut mencukupi, walaupun terdapat beberapa peniaga yang hadkan pembelian jumlah ayam.

"Peniaga mungkin buat demikian kerana takut kehabisan stok disebabkan ada pengguna membuat pembelian panik, susulan mesej tular itu," katanya selepas membuat tinjauan har-

ga dan bekalan ayam di Pasar Moden Seksyen 16, di sini semalam.

Terdahulu, tular mesej dakwaan mengenai bekalan ayam disorok pada 20 Mei lalu sehingga menyebabkan peniaga ayam di negeri ini terpaksa menghadkan pembelian ayam, iaitu maksimum dua ekor ayam kepada seseorang pelanggan.

Mohd. Khairi berkata, pertembungan peralihan fasa pandemik ke endemik pada 1 Mei lalu serta sambutan Aidilfitri membuatkan permintaan ayam menjadi lebih tinggi berbanding sebelum ini.

"Sekiranya ada peniaga atau pembekal didapati menyorok ayam, kita akan ambil tindakan di bawah Akta Kawalan Bekalan 1961.

Dalam pada itu, kata Mohd. Khairi, sebanyak 77 kes berkaitan ayam telah diambil tindakan sejak 5 Februari lalu.



**MOHD. KHAIRI** menunjukkan harga ayam ketika pemeriksaan di Pasar Moden Seksyen 16, Shah Alam semalam.



# Ayam, telur dijual lebih harga maksimum

KPDNHEP kesan 77 kes ayam dan telur melebihi harga maksimum selain gagal letak tanda harga kawalan

Oleh **ENGKU SHARIFUL AZNI SHAH ALAM**



Mohd Khairi (kanan) ketika melawat sebuah gerai menjual ayam di Pasar Moden Seksyen 16 pada Selasa.

Kementerian Perdagangan Dalam Negeri dan Hal Ehwal Pengguna (KPDNHEP) Selangor mengesan 77 kes melibatkan bekalan ayam dan telur ayam sejak Februari hingga Selasa.

Timbalan Pengarah KPDNHEP Selangor, Mohd Khairi Jamaludin berkata, jumlah tersebut meliputi 12 kes kesalahan menjual ayam dan telur melebihi harga maksimum, manakala selebihnya gagal meletakkan tanda harga kawalan.

Menurutnya, sebanyak RM19,000 nilai kompaun dikeluarkan dengan hasil rampasan sejumlah RM9,353.60 sepanjang tempoh berkenaan.

"Kita tidak nafikan berlaku sedikit ketidakpatuhan, cuma ia jumlah yang kecil dan tindakan proaktif diambil dengan memberi notis kepada para peniaga

tersebut.

"Ini merupakan pendekatan seimbang supaya memberi peluang kepada peniaga-peniaga kemukakan maklum balas tentang sebab meletakkan harga melebihi harga maksimum," katanya.

Beliau berkata demikian selepas membuat tinjauan bekalan dan pemeriksaan harga ayam serta telur ayam di Pasar Moden Seksyen 16, di sini pada Selasa.

Dalam pada itu, Mohd Khairi turut memaklumkan tiada kes atau laporan diterima oleh pihaknya berkaitan kegiatan sembunyi atau sabotaj bekalan ayam di Selangor.

Beliau bagaimanapun tidak menafikan berlaku pengurangan bekalan ayam sebanyak 30 hingga 50 peratus daripada pem-

bekal ayam kepada pesanan peruncit.

Ujarnya, permintaan ayam turut meningkat ketika negara memasuki peralihan fasa endemik pada 1 Mei yang bertembung dengan musim perayaan Aidilfitri.

"Jadi, bila permintaan ayam tinggi selepas fasa peralihan endemik pada 1 Mei dan Aidilfitri, persediaan bekalan ayam semasa pandemik berbeza dengan fasa peralihan endemik.

"Kita yakin berdasarkan trend hasil pemeriksaan dan tinjauan yang dijalankan, diharapkan akan ada peningkatan bekalan selepas ini," katanya setakat ini tiada laporan peniaga yang gulung tikar akibat kekurangan bekalan ayam.



|                                                                                  |                         |         |                |         |                        |        |                  |         |
|----------------------------------------------------------------------------------|-------------------------|---------|----------------|---------|------------------------|--------|------------------|---------|
|  | • Ayam                  | RM8.99  | • Telur Gred A | RM12.45 | • Gula Pasir           | RM2.75 | • Cili Merah     | RM11.99 |
|                                                                                  | • Daging Lembu Tempatan | RM42.99 | • Ikan Kembung | RM10    | • Bawang Besar Holland | RM2.50 | • Kubis Tempatan | RM3.99  |
|                                                                                  | • Daging Lembu Import   | RM28    | • Minyak Masak | RM6.70  | • Bawang Putih         | RM5.49 | • Tepung Gandung | RM2.30  |
| <p align="right">*Harga (RM/kg)    Sumber: KPONHEP</p>                           |                         |         |                |         |                        |        |                  |         |